

Universitätsbibliothek Paderborn

Sacrvm Misericordiæ Palativm


Variis Sacræ-Scriptvræ Locis, Atqve Septem misericordiæ operibus quasi
peristromatibus exornatum

Gazaeus, Nicolaus

Augustae Trevirorum, 1618

Vtrum Christus præcipiat pauperibus largiri eleemosynam, vel consultat.
c, 16.

[urn:nbn:de:hbz:466:1-54477](#)



VTRVM CHRISTVS
PRÆCIPIA T LARGIRI PAV
PERIBVS ELEEMOSYNAM,
vel consulat.

CAPVT XVI.

VThanc difficultatē elucidemus, notandum est quandoque Eleemosynā sub Pœna peccati mortalis esse imperatam, siquidem ob opera Misericordiæ neglecta quis damnari potest. Huius sententia est D. Gregorius Nazianzenus dicēs: *Mandato Domini atque exemplo ad Eleemosynam moueri debemus*, & hoc modo ostendit esse præceptum. Deinde Deuteronomij 15. dicitur: *Non deerunt pauperes in terra habitationis tuae, ideo ego præcipio tibi ut aperias manum tuam fratri tuo egeno.*

Secundo notandum est iuxta summam Benedicti non sufficere quod in extrema necessitate sit positus pauper, sed necessarium est ut eius in opia meo indigeat sub sustentio, nam si verisimile videtur alium huic paupertati subuenturum, si non subuenero, non ideo mortaliter pecco, quia meo non

non indiget auxilio, mortaliter tamen offendere si proximum in extrema necessitate constitutum atque omni auxilio destitutum, non subleuarem. His suppositis opinionem D. Thomæ sectabor dicentis: *Dare Eleemosynam de superfluo, est in præcepto, & dare Eleemosynam ei qui est in extrema necessitate: alias autem Eleemosynam dare, est in consilio.* Quam sententiam ut magis explanemus notāda sunt superfluitatis varia esse genera. Est namq; superfluum naturæ, dum quis granaria referta, cellaria vi no repleta pauperi indigenti non aperit. Est superfluum, status, dum quis plura pos fidet, quam status & ordo exigat, nec tāmē superflua inopi tradit, & iuxta harum superfluitatum rationes, dico cum Doctore Angelico, eum qui superflua tūm naturæ cūm status, indigentibus nō distribuit, pauperibus quos inuenit nō largitur eum gra uiter immō & mortaliter peccare. Dico pauperibus quos inuenit quia necessarium non est, vt is qui Eleemosynam largitus est pauperes inquirat, sed satis est quod in uentos, & sibi obuios refocillet & reficiat, quamuis tamen maioris sit meriti inopes inquirendo resicere, quam obuios, refocillare.

Igitur

E

66 SACRVM MISERICOR.

Igitur vltra hos casus Eleemosyna non est preceptum sed consilium vt bene anno-tauit Benediti, posset siquidē fieri vt ho-mo ad largiendū Eleemosynam, nunquam sub pœna peccati mortalis obligaretur, quia proximū nunquā in extrema necessi-tate constitutū obuiū vidislet. Sed nunquid hæc dixerim fortè in detrimentū pauperū nequaquā. Attamen qui de necessarijs pau-perib⁹ erogat duplē sibi in cœlo coronā parat; & Hostum Sanctorū dicta, tum antiqorum exempla frequentia comonefa-ciunt. Nam nūc superfluitates diuitiarum, pauperum esse testantur, modò panē supe-rabundantem famelicorū esse dicunt. Et li-cet opulentī in proprias dominētur opes, nihilominus tamē quæ supēr sunt, ita pau-peribus erogare debent quasi pauperum & inopū hæreditas esse videatur. D. Basiliū audiamus : *Est panis fameli quæ tu tenes; nudi tunica quam in conlaui conservas, dis-calceati calceus qui penes te marcessit, indi-gentis argentum quod possides inhumatum; quo circa tot iniuriaris, quot dare valenses. Insuper & D. Ambrosium non minorare ferentem. Neque enim maius crimen ha-benti tollere quam cum possides & abundas, indigentibus denegare, esurientium panis est quem*

In cap. 12.
in Luc.

Serm. 81.

quem tu detines. His accedit illud Augustini: *Cetera quæ superflua iacent aliorum sunt in Psal. 147. necessaria, superflua igitur necessaria sunt pauperum, res alienæ possidentur, cum superflua retinentur & infra: Quidquid deus nobis plus quam opus est dederit, non nobis specialiter dedit sed per nos alijs erogandum transmisit, quod si non dederimus, res alienas inuasimus.*

Alias Patres asserunt diuites, opum suarum non Magistros, sed tantū dispensatores, præcipue verò earum quæ superabundant superfluitatum, si non lege Iustitiae saltem charitatis imperio, vt rectè notauit D.Ioannes Chrisostom: *Tu arum es homo dispensator pecuniarum, non minus quam Hom. 34. ad qui Ecclesiæ bona dispensat; non ad hoc accepisti ut in delicias absumeres, sed ut in Elemosynas erogares. Nunquid enim tua possides? res pauperum tibi sunt credita, siue ex laboribus iustis, siue ex hereditate paterna possideas.*


Alias insurgunt Patres eosque qui benefacere indigentibus nolunt, charitatem Patris habere negant. Talis est August. qui in hunc modum loquitur. *Forte dicis, In 1. Ioannis quid ad me perinet? ego sum daturus pecuniam meam ne ille molestiam patiatur: si hoc*

E 2 tibi

68 SACRVM MISERICOR.

tibi responderit cor tuum, dilectio Patris non
in te manet, si dilectio Patris non in te manet
non es natus ex Deo, quomodo gloriaris te esse
Christianum?

Fulminant præterea Patres & voce publica eos grauiter offendere testantur quoniam indigentium necessitatibus subuenire grauantur. *Grandis* (inquit D. Ambrosius) *culpa est, si te sciente fidelis egeat, si scias eum sibi sumptu esse, fame laborare, ærumnā pati.* nec addere dubitat iuxta Gratianum , eum homicidam esse quia famelicum noluit sustentare. *Pasce esurientes si non pauiisti occidisti.* Si igitur grande crimen est à diuite sua furari, quanto maior est iniqüitas pauperem defraudare? Hic namque diues bonis spoliatur, sed pauper etiam vita priuatur. Date ergò quod supereft Eleemosynam. Nunquid ignoras Deū Prophetæ imperasse ut capillos omnes abraderet : hyeroglyphicum ut reor erat , diuitiarū superfluitates pauperibus distribuendas esse, comburendo eas igne charitatis & Misericordiæ.



AD

Lib. 1. offic.
c. 31.

D. 86. can.
Pasce. 2. 2.

Ezech. 5.